

e 'l gira, e 'l sgola alt
quel cör tambur che s'ciopa
cercando 'l ciel azur
che gas de dent 'ndei oci

e da 'n camin che fuma
se sente odor de rasa
stanzele e crèpi al vent
saor de föc bel tebi

e 'l gira, e 'l sgola alt
pu 'n su, sul paradis
che ogni colp de ala
'l carezia i tò pensieri

con dentro 'n pöc de ti
denanzi al sol che sluse
portandote a vardar
'na gema o 'n fior che nase

e 'l gira, e 'l sgola alt
'sto cör emparmalos
che 'l bate pu panpian
' sentirte i tò respiri

su 'n cima al Fregasoga
con tut la neo entorn
e pò gio 'n mèz la val
ninadi al vent che subia

e 'l gira, e 'l sgola alt

con ti strucada al col
vardando 'l lum che 'ndòra
'na lagrimota dolcia

sen sempro struchi arènt
con ti che rides fisa
e quel fioret 'nle man
par farte voler ben

Giuliano